



14 Julai 2017
14 July 2017
P.U. (A) 195

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERHIMPUNAN AMAN (TEMPAT PERHIMPUNAN YANG DITETAPKAN) (STADIUM DARUL MAKMUR PAHANG) 2017

PEACEFUL ASSEMBLY (DESIGNATED PLACE OF ASSEMBLY) (STADIUM DARUL MAKMUR PAHANG) REGULATIONS 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERHIMPUNAN AMAN 2012

PERATURAN-PERATURAN PERHIMPUNAN AMAN (TEMPAT PERHIMPUNAN YANG
DITETAPKAN) (STADIUM DARUL MAKMUR PAHANG) 2017

PADA menjalankan kuasa yang diberikan oleh seksyen 27 Akta Perhimpunan Aman 2012 [*Akta 736*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perhimpunan Aman (Tempat Perhimpunan yang Ditetapkan) (Stadium Darul Makmur Pahang) 2017**.

(2) Peraturan-Peraturan ini mula berkuat kuasa pada 15 Julai 2017.

Tafsiran

2. Dalam Peraturan-Peraturan ini—

“Perbadanan” ertinya Perbadanan Stadium Darul Makmur Pahang;

“Stadium Darul Makmur” ertinya Stadium Darul Makmur Pahang yang telah ditetapkan sebagai tempat perhimpunan melalui Penetapan Tempat Perhimpunan Yang Ditetapkan 2017 [*P.U. (B) 343/2017*].

Permohonan untuk menganjurkan perhimpunan

3. (1) Penganjur yang berhasrat untuk menganjurkan sesuatu perhimpunan di Stadium Darul Makmur hendaklah mengemukakan permohonan secara bertulis kepada Perbadanan sekurang-kurangnya tiga puluh hari sebelum tarikh perhimpunan.

(2) Perbadanan hendaklah memaklumkan penganjur secara bertulis mengenai keputusannya dalam tempoh tujuh hari sebelum tarikh perhimpunan.